

- Forma formosus, pretio trahitur pretioso,
 Fama famosus, studio gaudet studiosus.
- 5 Ipse michi tinguam Pegaseo nectare linguam,
 Ut solvantur ei sacra sacre dona fidei.
 Scribam jocunda, nolim temptare profunda.
 Vere novo fretus, post tristia tempora fletus
 Leta loquar letus, requiem loquar irrequietus.
- 10 Dum velud albus olor fati dispendia solor,
 Procedente mora manus excipiat graviora.
 Plus sibi quam census, placeat vox, littera, sensus,
 Que sudore meo de fonte bibi Pegaseo.
 Sed quid materia placet hec tibi, diva Thalia?
- 15 Vernaes odas ut scripturus metra prodas?
 Dicam, nec Febo mea fila movente silebo.
 Sim, pater et domine, tibi preco bonus medicine,
 Ni magis ipse velis in te tibi stare fidelis.
 Est tua natura, dum nescis, interitura.
- 20 Curam que rodit, tuus, ut novi, status odit,
 Iram que torret, complexio mitis abhorret.
 Vulnere te crudo tristis necat anxietudo,
 Motibus invisibilibus facit in te dum paralis,
 Exterius sentis non nunquam vulnera mentis.
- 25 Parce tibi, parce, descende parumper ab arce,
 Nobiscum sprete cape sollicitudine leta.
 Ne male te frangas, curis animum minus angas.
 Hec quasi divina tibi voce cadat medicina,
 Qua melior nulla, qua non sit verior ulla.
- 30 Leta proinde tibi debebunt scemata scribi,
 His animadversis, cum tam bonus atque tener sis.
 Mirum si dormis, quem tot capit hec via formis,
 Miror quod nescis refici tam suavibus escis.
 Tempore florigero quid florum dem tibi, quero:
- 35 Sed quis non frustra tibi mitteret alba ligustra,
 Quem, cum sis tantus, deceat rosa, baccar, achantus?
 Dum tibi, dulcis homo, breviter panegerica promo,
 Conlige nobiscum vernos flores et hibiscum.
 Nempe carent felle Fauni Driadesque puelle,
- 40 Dat proprii fenus capitis pater ipse Silenus,
 Pan, deus Arkadie, pars est bona philosophie,
 Nymfas Junonis non spernit homo rationis,
 Et lapides Pirre, jactos in culmine Cirre,
 Et passim Musas Cintheo gramine fusas.
- 45 Omnibus omnino fotu quodam genuino
 Ver novus aspirat, quem temporis ordo regirat,

15 'scripturus' ist ein grober Fehler, wie 46 'ver novus', oder in 'scripturo' zu ändern.